

摘藻堂四庫全書薈要

集部

欽定四庫全書薈要卷一萬三千二百八十一

集部

御製詩初集卷八

古今體一百十首

壬戌一

壬戌元旦同諸王宴乾清宮

韶律應三陽元辰福履昌展親壽伯叔明命凜

穹蒼鳳瑄春風入龍墀化日長獻椒歌有慶行葦樂無

央

古風

建極撫五辰執中御八埏望道而未由朝夕增惕乾曩
余佩古訓治理頗能言行之扞格多乃悟實踐難克已
苟未至其失已大焉如木斯有本如水斯有源源本或
有垂設施亦徒然觸目堪警心小子其慎旃

重華協帝治闢門延英俊如茅斯拔茹賢才乃奮迅其
源苟不清所用安可信求者為虛聲應者為干進譬珠
在深淵魚目難容混譬玉在完璞瑕瑜慎所遴履信而
尚賢庶乎天助順

天道有循環培栽而覆傾人道有損益好謙而惡盈君子審厥幾處夷乃若驚况乎持大寶驕滿毋或生人君惟一心干者萬計迎紀綱苟稍紊調劑安可憑憂其所可恃懼其所可矜善醫善計者其道良足稱

鬱儀催朱輪如駒邁隙過玩愒以消時老大將如何云立立猶未有成成則那披卷漫流連撫景漫吟哦願言勵初志毋為徒延俄凡事待知悔其失亦已多

初春

柳帶鶯黃漸波流鴨綠微輕雲時出岫暖氣欲沾衣花
信尋常候春光次第歸東郊方待澤懶去問芳菲

見耕者

播穀當春始扶犁邁遠阡土膏蘇大地雨澤賴蒼天辛
苦誠堪念憂勤未息肩停鑿茲一覽興在甫田篇

次良鄉

廣陌催征騎遙天飛玉屑潤回大地春望入雙瞳潔宇
空山勢近倏忽陰晴別咏雪興漫豪省歲心猶切三冬

待澤久未敢遽怡悅

麥苗

新苗抽綠遠連阡生意回蘇態自妍最愛冰鬚瓊雪纈
誰將弱線蕊珠穿春融潤浹如沾雨日暖晴烘欲吐煙
何異豳風圖裏看民依念永為停鞭

曉行

濃淡雲容石笋尖馬蹄踏處綠纖纖曉來遠塢依微辨
雪後輕寒料峭添未至賣餚思社鼓却饒沽酒認村帘

行吟不為耽風景
夾路桑麻取次覘

夜雨寄興

刻漏初催乙夜籌
風聲漸息雨聲稠
夢回行帳牽吟興
想到公田喜澤流
不必綠蕉聽浙浙
却因黃幄思悠悠
金吾漫苦征衫濕
多少三農卜有秋

曉雪有作

春雨寒凝雪油雲
入曉濃澤流成沃壤
玉積出高峰和洽
占逢歲憂勤望破冬

去歲三冬無雪
待澤正殷

山村經庶處樂意

在耕農

過拒馬河

十里瓊瑤一色白馬蹄踏碎人未惜行行策渡拒馬河
滑笏春流初弄碧亦有流澌如半壁珠璣灑落噴灘石
誰能弔古論興亡但覺光陰如過隙此河幾度亂流過
前歲今春原不隔興來還似坐玉京豪咏心情那減昔
溪頭舴艋未易呼渡口車輿頗填積似展江干積雪圖
燕氏文貴留真蹟

晴

落日照轅門雲峰互吐吞山川欣沛澤草木樂流暄野
曠駕鸞集天空星斗繁驅車明曉望叱犢滿平原

壬戌仲春恭謁

秦陵

松柏森霄漢雲霞護翠微逝波驚歲月如夢想

音徽是日瞻虛殿悲風啟玉扉

憂勤千古越奉養七年違

寶冊垂文德

上年十二月
實錄告成

要荒服武威

鼎湖空白霧石馬立寒暉
閱歲苔文古當春樹影稀
重來增切切欲去更依依

恭瞻

泰陵

聖德神功碑告成感成長句

貞珉萬古護雲煙拜覩

羨塘倍愴然

謨烈昭垂千百世

憂勤想見十三年
慮周暑雨祁寒際
澤溥山陬海澨邊
肯構無能繩

聖武捧盈長此矢
乾乾

二月六日

二月六日涑水濱
馬蹄踏雪無風塵
瓦神社鼓儘隨俗
柳葉杏花俱待春
山色一鞭如送客
鳥聲數啜解迎人
蕨芽菜甲滿畦綠
景物却羨山家新

絕句

控紫三春半批黃午夜分
試問普天下誰為無事人

春寒

輕寒料峭透氈帷
把筆閒吟有所思
細雨已催新草色
條風未綻舊花枝
烟深遠墅樵蘇靜
波暖荒汀鳧鴈知
想是東皇惜韶景
勒將春事故教遲

次黃新庄

皇太后使人賜食

金史四庫全書
卷八
夾路豔陽舒春風返轡初

頌恩來秘禁分澤逮周廬更切調甘旨還因問

起居得知

溫清適愛日樂何如

春夜聞鴈

去時秋杪到時春却似相逢話舊新寒夜數聲傳幔幄
高空幾陣唳溪濱沙塘波冷思眠月龍塞程遙欲寫人
慚愧雙鴛鴦池畔浴為謀梁稻每羈身

新衙門行宮即事

離宮夜靜剪銀缸
聽罷轅門畫鼓
拏書案昔年遮莫憶
詩魔今日未曾降
風旛悟後馬猶指
蕉鹿當前月滿窻
消得幾餘清興
永不湏花下倒春缸

題德壽寺禪房

一向悟無生
不識無生理
偶來蘭若幽
頗愛禪房美
松竹韻虛籟
花藥綻春蕊
煙浮鼎上雲
鳥啄窻間紙
敲火煮古鑪
烹茶瀉新水
身心一瀟灑
未可耽乎此

春宵月下懷

庭槐漏嬋娟扶踈散清影露立春宇明潛覺衣裳冷馬
嘶野牧空鳥語深林靜陳迹憶舊遊曠懷對新境由來
不曾隔妙趣誰能領

春夜南苑行宮卽事疊前韻

如駛年華過隙馳離宮駐節仲春時六飛巡幸乘韶令
萬戶饑寒待體知豈為吟詩忙裏適每因望治靜中思
幾餘消得閒庭夜弄影銀蟾牕外移

曾聞

曾聞一衲子幼習曹溪禪駐錫京都寺所識皆貂蟬羣
誇梵行清自許六度堅鬚眉皓且蒼僧臘已有年一朝
染病卧忖度難期痊爰命使持書報諸檀越人

如延切
見烈女

頌

云於某某日當示寂滅焉古有立亡者吾身豈不然
至期衆俱集相對淚湧泉法師今涅槃誰示指月傳師
云無去住努力自勉旃衆皆長跪候白日不俄延久之
期已過猶然坐法筵求死不可得反覺生可憐嗚呼好

名人觀此當悔遷

路旁

路旁一野老呻吟一何苦鳩面步履艱單衣百衲補試
問何方人云籍隸齊魯猶憶少年時逃荒離故土傭佃
聊度歲又復病雙股問翁業何有囊無一粒黍問翁室
何有妻沒絕男女熒熒只此身知死何處所我聞淒然
悲所悲非野父曾記周詩云君子民父母教養違其方
黎民失恃怙命醫施鍼砭或可離痛楚白金賙其窘屋

居免露處固知煦
媪仁所愧澤未溥

陰

輕雲出遠岫
白日漸韶光
布宇勢方作為霖澤欲滂
千畦纔甲坼
萬彙正勾芒
怕是因風散
多緣望歲忙
未曾消宿雪
訝許潤新秧
自笑心無足
還期取次償

詠盆中牡丹花

亞盆初綻鼠姑芽
暝座濃添幾朶霞
帘幕未招遊客騎
芳菲待報午蜂衙
不須富貴叢中鬧
却愛蕭疎靜處嘉

九十春光應護惜花師莫漫趨韶華

仲春郊行

韶光次第物華撩柳線飄黃驛路遙不必風流誇羯鼓
淡雲輕雨釀花朝

撫撫平原嫩綠萌無邊詩景入行程金吾莫漫頻呼蹕
野老春深正課耕

九十青韶日漸妍不須催賞只須憐兒童却愛清明節
未破花朝放紙鳶

雨絲陣陣柳絲斜荷笠扶犁有幾家
遮莫御園臺榭足看耕端的勝看花

讀朱子詩有傲因效其體

見獵心猶喜吟詩興欲狂工夫未精到觸處是乖張
天理與人欲只爭一線多出此入乎彼為學戒蹉跎
是非心豈二惟人默自斟但識知非者便是是的心
罔念聖作狂克念狂作聖罔克慎自持其要在居敬
居敬非虛言端為不自欺已所獨知地便是衆知時

知得一尺時不如行一寸若教玩愒過永無精進分
人生非孔顏誰能無過尤屢過而屢悔非以慎厥脩
我視普天下無處可偷閑一念敬與肆人鬼即此關
人咸秉善念常被私慮侵所以古達者孜孜惜寸陰
寸陰誠可惜要道在躬行如其力不逮切近惟存誠

二月望日春分

東皇翰運似持衡今歲春分分正平九十陽和均各半
短長晝夜恰相爭網軒漏永宮鶯喚螭陛晴熏御柳榮

最是陶甄資

帝力光天萬物樂由庾

仲春經筵

旭日御階明祥風滿鳳城光春開講席廣厦集朝英學
海期全濟文樞賴共衡更尋司化紐要道在躬行

曉寒

二月十七日作

昨朝微雨潤勾芒今日輕寒透薄裳芳苑閒探添料峭
鶯花都解勒春光

瀛臺竹木床歌

靜憇軒中橫短床不雕不斲伊誰造竹皮木骨恰相稱
詎誇華飾誇質老我聞玩物能喪志漆器進諫明至道
涓涓之水成江河其流滌器裝七寶何如茲床樸且完
安置妥貼不敲倒松齋夜靜夢周時梧階晝永攤書好
異物不貴凜前訓用銘座右期相保

淑清院見桃花始開泛杯有作

琤琮韻裏繁枝斜纔苞錦纈遲蒸霞如是色聲堪靜悟

不必能聽倩綠芭峭寒尚切披香殿青韶却釀淑清院
天公濯垢認三生

昨日微雨

今朝恰見春風面

太液池泛舟

新水一篙深載舟猶力弱偶來弄澄碧滄浪意可樂天
空鳧鴈閒波靜魴鯉躍是時春始半夾岼天桃灼旋惹
東風吹紅英貼波落韶華固不牢長歌興所託

題庶子張鵬翀所進春林澹靄圖即用其韻

輕抹雲嵐瀑布垂森森玉筍間疏眉詩禪畫偈相參處

金定四
卷八
正是春林澹靄時

無須海賦詡春毛珥筆詞臣有伯高漸近清明緣望雨
何曾開宴賞天桃

只疑濃處欲生雲高下林巒疊翠文寂寂草堂無客到
一谿煙靄與平分

香案應教仙吏承丹霞門戶許誰升螭頭奏對春風裏
寫出春林亦絕勝

大地春光盡早成
花花草草自舒榮
品題却倩幽人筆

靜對蕭齋意轉清

吟詩不用錦囊求
妙句還多趙倚樓
此日金蓮為誰撒
他年佳話紀池頭

液池鳧

液池鳧乘春流
灩灩錦波香
蕊浮浴波啣蕊
依汀洲託
身喜無羅網
憂不羨雲鵬
萬里之翱翔
不為埒雞
榴梁之仰求
猶人既無卓
卓之譽亦無
戚戚之愁
液池鳧爾
何俯仰自得
而悠悠

清明

輕暖輕寒杏酪天
緋桃綠柳鬪芳妍
殷殷午夜方祈雨
忽忽春風又禁烟
新種恰宜浸淺水
嫩苗已看茁平田
望雲未釋中心願
任取兒童放紙鳶

夢

昔在殷高宗
夢帝得賢才
又聞莊周言
至人無夢來
至誠能感神
心馳多疑猜
吾衰因夢見
因夢見吾衰

有為法皆如夢
無為法亦云然
但著有無闕
擬夢中說

夢徒喧

桃

春花使者趨程期

瓶史月表桃
為二月花使

報道名園第一枝無那

東風忒相妬三分塵土一分姿

即事

寒食新頒火甘霖未濯科徒瞻雲邈爾每問夜如何農
務茲方始花期諒已過三春多樂事繫我獨憂多

三月初四日癸亥耕藉禮成有作

日臨吉亥應農祥千畝三推典制詳帝藉勤民風赤縣
司農辨穀列青箱

覲土欣知播穀時青郊舉趾敢教遲每每南畝分黃道
獵獵春風飈彩旗

瑤壇樽俎右先農大樂雲咸考鼓鐘馥假淵衷邀肝饗
輕雲釀雨勢方濃

綵棚高覆金犁直稷陌微聞畫鼓擬豈為清時崇典則
所期民俗化敦龐

一墾耕餘看九三庶人終畝盡東南周官法度猶然在
麟趾闕睢化却慙

耒排西側耜排東解角拖犁耜正中更聽禾詞三十六
分明物色摠幽風

三農環繞望耕臺荷笠披蓑許近來略少鳩形將鵠面
豈周水曲與山隈

由来政本重民天願祝豐年八頌箋詎止躬耕勤穡事
深宮午夜早乾乾

題陳枚孫祐金昆戴洪程志道全畫清明上河圖

圖始於雍正六年成於乾隆二年城郭山林人物各工其藝亦繪林住話云

蜀錦裝全壁吳工聚碎金

數人皆江南名工

謳歌萬井富城闕

九重深盛事誠觀止遺踪借探尋當時誇豫大此日歎
徽欽

杏

胭脂勻襯曉粧紅柳冶桃夭訝許同也解隔牆思宿雨
生憎映座舞輕風華林漫憶群排宴文館先陪獨省躬

醉月徵歌徒負爾年來吟興亦飄蓬

含韻齋玉蘭花

禁火纔過賣酪時春風次第綻辛夷東皇借得江生筆

玉蘭一名木筆

寫出韶光一段奇

韻入紗櫺綺思清焚香瀹茗待閒評蜂衙蝶陣相忘處
不數仙人白玉京

題瀛臺流杯亭瀑布水

戛玉復縱金飛流下十尋迴波能送酒緩溜似調琴信

可蘭亭樂依然濠濮心何須覓蓬閣城市有山林

三月二十四日題清暉閣

東皇昨夜駕歸轅蜂蝶紛紛欲黯魂乍見殘紅飛墨沼
已看新綠映朱軒菁葱似覺松篁遜剝啄生憎鳥雀喧
賸有憂懷賦雲漢更無閒興探芳園

三月晦日

三月晦日湖上行錦帆風送朱鷺輕

舟名也

落花飛絮俱

無賴舞蝶遊蜂各有情鼠姑欲綻待宿雨少女只解催

曉晴九十韶光愁裏過
惜春吟罷新愁并

題周鯤山水畫

留得溪山四季青
烟巒矗矗水泠泠
卧遊省識心無倦
生對方知筆有靈
遠塢人家閒鹿柴
野塘路逕接橋亭
依稀昨歲邊關景
面面芙蓉展畫屏

初夏

平林新綠蔭軒庭
拂拂薰風透綺櫺
春色已隨愁寂寞
詩情應共絮飄零
政慚夏諺為侯度
心切周詩惠我寧

欲逐雀飛飛石燕袂鉞抽隴正含青

倣雲漢詩體敬製雩祭樂章以申誠懇

瞻彼朱鳥爰居實沈協紀辨律羽蟲徵音萬物芸生有
壬有林有事南郊陟降維欽瞻仰

昊天生物為心

一章

維國有本匪民伊何維民有天匪食則那螻蝻鳴矣平

秩南訛我祀敢後我樂維和鼉鼓淵淵童舞娑娑

二章

自古在昔春郊夏雩曰惟龍見田燭朝趨盛禮既陳

神留以愉雷師闐闐飛廉衙衙曰時雨暘利我新畬

三章

於穆

穹宇在郊之南對越嚴恭

上帝是臨繭粟量幣用將悃忱惴惴我躬肅肅我心六

事自責仰彼桑林

四章

權輿粒食實維后稷百王承之永奠邦極惟予小子臨

民無德敢懈祈年潔衷翼翼命彼秩宗古禮是式

五章

古禮是式值茲吉辰玉磬金鐘大羹維醇元衣八列舞

羽繽紛既侑

上帝亦右從神尚鑒我衷錫我康年

六章

維

天可感曰惟誠恪惟農可稔曰惟力作恃

天慢人弗刈弗獲尚勤農哉服田孔樂咨爾保介序乃

錢鑄

七章

我禮既畢我誠已將風馬電車旋駕九閭山川出雲為霖澤滂雨公及私興鋤利眊億萬斯年農夫之慶

八章

端陽日侍

皇太后觀競渡

蒲樽粽席御湖邊
競渡天中自古傳
艾虎乍懸沿戶綠
霓旌纒颺徹波鮮
聊酬令節供

慈賞未足甘霖省
徃愆日暮輕陰方
釀雨簷牙滿擬溜
如泉

湯泉荷花開絕早
插膽瓶中間以芍藥
甚有風致
霞剪衣裳恰五銖
清和春色滿仙壺
溫泉浴罷嬌無力

扶起身邊有念奴

新蟬

舊蛻掛枝頭新蟬鳴樹杪一般聽蟬鳴妙趣誰能曉
荷葉大於錢榴花火欲燃高齋蝶夢醒著意聽新蟬
螳螂學捕蟬逐逐尋高柳豈知輕薄兒挾彈隨其後
抱葉曳踈聲風翻隨葉落旋復上高枝適然何住著
遊踈綠雨短詩少為愁多一聲新蟬鳴始識晚春過
別院槐風細踈簾綠蔭深借爾閒中響清予物外心

題庶子張鵬所進日長山靜便面即用其韻

繪苑曾聞紀董祥，詩筌畫構可參詳。
定知寂寞長安舍，素絹牋麻足幾箱。

子西佳句小年時，箇裏能教日影遲。
雨後清和山色好，新茶處處展槍旗。

半是山僧半是農，卧聽隔嶂晚來鐘。
踈籬野約無人到，灌木叢陰綠正濃。

似有嵐烟縈澹澹，如聞溪溜響摐摐。
桃源不是人間世。

策杖村翁眉宇厖

彷彿前生是葛三
畫禪瀟灑擅江南
大癡更挾坡仙筆
勗敵江山兩不慙

野流無定西復東
茅菴畫掩深山中
坐對身如圖畫裏
虞琴一撫南薰風

山中無地起樓臺
面面崑峯入座來
消得日長誰與共
一聲孤鶴碧雲隈

夢想華胥太古天
肯因玩物擘吟箋
幽風圖繪當年事

盱食宵衣倍體乾

散館試庶吉士賦得春蠶作繭

得成字

蠶事當春月辛勤婦女成候時鳩上下入戶燕呢喃松
火燃村舍條桑採谷巖浴川身乍潔食葉口方饒起箔
新蛾長承筐素手摻三眠頽慵懶八繭似封緘漫比抽
思巧堪知為政凡新絲還待賣慙媿著袍衫

熱

朱明遲度丹霄上萬籟無聲靜琴響暑氣生侵玳瑁床

涼颼不到文羅幌
砌裂苔紋破篆痕
戶饒梅潤濕柱磔
生憎蟬嘒聒耳煩
况復鳩鳴懸念想
豈無沉李與浮瓜
林園坐啓層軒敞
念彼公田待澤久
耕犁未舉將生莽
笠底老農畏赫曦
冰壺那忍獨延爽
吁嗟又復夏云半
宵瞻雲漢徒首仰
側聞上蒼心
好生解澤詎久遲
長養扶桑湧現火
輪紅夜以繼日
勞悵快錦樣
三春忽忽過
炎炎永晝薰風盪
何能習靜學禪師
文室安心息紛攘

鳩

小軒夏云半嘉蔭誠清絕踈簾隔塵囂翠簾含冰雪何
來鳴鳩聲得得出林樾拂羽過春時喚霖當夏月物各
有天性人自生分別何喜噪簷鵲何愁杜鵑血何勞布
穀催何悲烏夜咽而我聞鳩鳴亦復怡然悅卜雨慳我
情稍解心中結

夏日題瀛臺

文軒梧竹倍淒清座擁琳瑯爽自生高處近天無暑氣
人間此地是蓬瀛水涵銀海月為鏡苔點瑤階石作枰

草木敷榮魚鳥適由來物物遂生成

相馬歌賜來保

伯樂善相馬車下老驥出今豈無其人來保稱第一曩

時有黃海

國朝善相馬者

親授相馬術謂不相其皮亦莫稱其

力心端德自優萬中無一失天閑雲錦羣一顧靡不悉
為余辨驪黃六飛協安吉此術固云美相人亦可則况
茲居八柱亮采汝所職勉此空冀心佐予敷九德

致仕禮部侍郎銜內務府總管丁皂保年九十矣

朕每進宮必入朝請安矍鑠如昔詩以賜之

舊日春卿貳清時萬石君目光猶奕奕衷赤尚勤勤樂
易故應爾忠良衆所聞泰平無戰伐馬援漫從軍


未解彭佺術曾將灌絳齊林泉應樂齒珂馬尚聞雞菊
水無須井丹霞自有梯所期臧殖衆難老摠眉梨

題抑齋

窻紗浸綠鳥聲頻拂拂花香戶外新座有蘭烟文作篆
壁留箏字額題銀偶然得句緣新意長自耽書是宿因

慙媿當年齋內客
摩牋煮茗一閒身

御製詩初集卷八



總校官庶吉士臣侍朝

校對官庶吉士臣陳文樞

騰錄監生臣魏綿曾

欽定四庫全書薈要

集部

御製詩初集卷十九



詳校官原任編修臣徐立綱

欽定四庫全書薈要卷一萬三千二百八十二集部

御製詩初集卷九

古今體一百二十一首

壬戌二

夏夕齋居


臨鴻噪宮城暮景侵虛殿金祀羅夏卉芳被薰風扇而
予適齋居志豈循物玩曠懷熙皞治未愜黔黎願撫景
每增慙披衣坐待旦

夜雨

夜雨滴空階無眠意亦佳聲喧鳩鵲瓦聽到丑寅牌澤
普蘇田槁功殷潤物萎半年憂思切此際少紓懷
斷續復春容嘉祥應九農心殷一犁雨聽徹五更鐘花
氣香疑煎苔紋潤欲封明朝憑望處宮樹綠添濃

題孫祜周鯤丁觀鵬全畫十八學士圖

當年盛事紀登瀛傳說芬疑齒頰生自是玉堂無俗客
不須金馬羨仙卿木天珂劍從攜侶禁地琴書許暢情
同有雄才誇博雅十思誰繼魏元成



總校官庶吉士 臣侍 朝

校對官庶吉士 臣陳文樞

謄錄監生 臣周學桂

秘殿齋居缺問安

方丘禮畢此迴鑿前宵甘雨蘇羣彙敬與

慈闈一樣歡

北郊禮畢回圓明園道中作

薰風應律調元化膏雨知時利夏耕不獨公田霑渥澤
一花一木揔敷榮

繒燎光中葆吹聞迴瞻黃幄瑞氤氳梭街步出仙韶引
槐柳陰濃綠似雲

黃繖朱旂鳳甸隈
屬車劍珮有鄒枚
天公賜與迎梅景
繡陌青葱絕點埃

垂楊十里牽青絲
警蹕聲中駕六飛
最愛霑衣朝氣潤
輕雲猶作雨霏霏

詠珂馬聲

紫陌喑喑報曙雞
蟾光欲俯露盤低
九天閭闔歲蕤啓
百辟冠裳鷓鴣齊
鷺步引聲鏘玉珮
槐街奏響散銀蹄
何人待詔長安舍
剪燭抽毫細品題

石榴花

散彩映朱軒舒榮當夏月綠枝綴繁星清芬猶可悅

雞卵

無雞卵不生無卵雞不成循環誰為始情彼雞卵評

夏日御園閒詠

幾暇登樓暢遠襟喜因南畝足甘霖松篁籟靜青含潤
谿壑雲生翠欲沉魚唼花紅浮水面蝸盤蘚綠匝堦心
篆凝金字澄懷永物理民情獨自斟

霽後園林夏似秋
灩灩仙掌露華流
溪聲滑笏添新漲
山色疏眉入小樓
疑有片雲生晚岫
誰撐扁舫破烟洲
晝長贏得清吟興
不覺雞人報午籌

風槐煙柳綠成帷
影度紗櫺午日遲
暫向幾餘閒學草
偶因吟罷亦敲碁
曲池新漲分魚子
碧宇高空放鶴兒
最愛子西傳好句
依稀山靜小年時

偶泛扁舟晚瀨明
風搖蘆荻洒然清
一天佳景誰為領
幾個閒鷗自作盟
山木無言偏得意
野花有分亦敷榮

溪田愛看新秧茁綠水平疇正好耕

相風金鳳尾當南綠滿文窗生意含晝永花香醺似醉
雨收天色碧於藍行看魚鳥間來適坐擁詩書靜裏耽
日暮池邊還徙倚一鉤新月鏡中涵

清暉閣畔幾株松著雨虬枝綠更濃每愛濤聲吹謖謖
常看蓋影蔭重重軒窗靜對含朝爽烏鵲歸飛帶夕春
陸葉山花紛鬪豔堅貞只擬待三冬

壺天佳景入窗紗翠幄千層襯彩霞林壑畫圖疑伯帙

池塘鼓吹奏官蛙
天光雲影供詩料
鳥語花香長道芽
詎樂蕭閒弛乾惕
憂心時切萬民家

綠潤紅澆景倍新
尋常行處草鋪茵
鳥鷓花片驚眠蝶
魚傍蒲根避釣人
漫擬閒情吟九夏
那堪憂思度三春
公田雨足心差慰
生物從知天地仁

大學士福敏七十壽辰詩以賜之

前世文昌宿當朝
王者師典型鷓鷩
序標準鳳凰池有
問鳴鐘應方瞻霽
月披耆年緣令德
初度值良時堂敞

槐陰茂筵開日影遲
春風坐綺席仙酒介
龐眉允賴經綸手
猶踈弟子儀
壽身兼壽世長佐太平基

新荷

昨日看花三兩朶
嫣紅笑日含
婀娜今朝看花花滿湖
薰風盪漾香霞敷
天孫機杼迅若此
堂堂日月誰能止
吁嗟新荷尚如綺
老藕絲斷波心死

靜夜吟

暮春漸隱紅霞影
銀蟾素彩流清景
紗牖朦朧花氣浮

丁東漏下良宵靜漫聞別院按雲和詎樂生香列綺羅
支枕無眠還起立後樂先憂憂思多

釣魚磯

新蒲綠水泳文鱗偶生花磯理釣綸笑我塵心無好夢
幾曾得遇渭濱人

齋宮六章章十四句

有佻齋宮翼翼沉沉穆穆

皇考心

聖祖之心不冒萬宇

上帝是歛維日南至郊祀孔臨遷坐變食在懸無音凝
社受釐儼若

帝歆來戒來齋用凜難諶

龍塞之山儲有良材乃浮於川達帝京不遲叶爰經爰

營載築載培

命彼大匠繩尺是依叶其柱維楠其桷維栢叶不文不

鏤海望所作既底厥法載觀其落猗與煌與天闢之宇

鬱律栢棧貝箔珠戶枚枚巖巖在乾清宮左有丹其楹
有青其瑣既深以嚴亦安而妥不敞不軒周廬綿綿曰
維億年利我後人

叶

昔在

聖祖心齋肅肅

考建茲宮匪誇華屋致潔致誠毋疏毋黷律中黃鍾一
陽始復將事大祀心乎穆穆爰即而齋爰薰而沐瞻仰
昊穹以集厥福

自古建章萬戶千門亦有大夏摧摧成觀叶彼何為子

此則可原匪以富而侈匪以飾而繁制樸而渾居茲敬

存有堂則明有室則溫我後子孫永保斯孔安叶

永言保之戒彼崇臺叶我宅是守心乎我思我

祖我

考廊此丕基我曷承之俾堂構是貽

天饗惟誠民歸惟慈惟慈惟誠匪以偽為我後子孫尚

克念茲

西海泛舟

岸柳遮陽景湖風漾碧波雨餘行處靜山翠望中多笙
響蟬鳴樹香薰擢拂荷綠盪如錯繡倚咏興如何
西山濃似染倒影入清連暢此眺吟趣何殊書畫船綠
蒲依碧水白鷺上青天座裏聞雙櫓舟移別一川

夏日遊玉泉山羅漢洞疊前韻

宿具遊山興因來避暑頻月光瞻古佛筌韻聽新筠空
色原無二林泉自有真寄言塵俗客到此悟迷津

心遠閣閒眺

地迴林疎遠益明
西山相對白雲平
稻畦麥隴秋無夏
領取懷新一片情

賞遇樓疊前韻

山靜夏無暑窗虛樓似齋
綠雲鋪野暗爽籟韻松佳衣
潤泉流澗人閒鶴唳階
幾多憂樂意高咏一開懷

夜雨寄興

夏霖入夜勢方綿
文帷翠簟寒飈然
忽聞雷聲殷山側

簷牙急溜鳴飛泉老農望歲心應喜興來我亦同乎此
推敲詩句鎮無眠不嫌芭蕉聲聒耳

雨中烹茶泛卧遊書室有作

溪烟山雨相空濛生衣獨坐楊柳風竹爐茗椀泛清瀨
米家書畫將無同松風瀉處生魚眼中冷三峽何須辨
清香仙露沁詩脾座間不覺芳隄轉

題張雨森山水畫

嵯峨翠巘幾千尺却疑靈境何人闢鋪空白雲一谷寒

參天老松千歲碧豈同蜀道五丁開足有稜稜大斧跡
銀龍飛走山腰白瀉入平湖流澤澤板橋幾曲架懸崖
獨許幽人蠟雙屐更有草亭溪畔隔几上黃庭列數冊
箇中不共天地老何論區區駒過隙懸之高堂六月涼
助我清興生吟席

曉起

曉起憑軒楹林泉供靜怡假山凝宿潤新花濯故枝
洒然衣袂涼九夏如秋時俯仰足適興何必登崇臺叶是

時甘雨足膏澤遍艸萊叶念彼隴畝間新秧正含滋撫
景厓重農豈以恣遊嬉恭已奉三無澄心待萬幾

螢

雨後飛螢出因風散碎光梧階流熠燿蘆岸照蒼茫栽
句吟清夜攤書卧晚涼那堪當夏半秋意到南塘

聽水車聲

泛舟傍湖田湖水流活活草亭架膝上結構頗軒豁老
農四五人長日披襖襪驅牛轉水車水車鳴軋軋不為

漢陰叟機心斥棊桔不為宋人父助長將苗握終年勤
南畝富貴不能奪翁足亦已胝牛力亦已竭薄暮枵腹
歸瓦盆飽粗糲

五襍組

五襍組文錦帷徃復還機上絲不獲已飢溺思
五襍組勝彩虹徃復還霜信鴻不獲已念始終
五襍組文若豹徃復還關山道不獲已謹辰告
五襍組錦地羅徃復還織女梭不獲已老如何

五襍組美嬀嬀徃復還粟在籩不獲已學為我
五襍組元黃裳徃復還濟川航不獲已簡賢良

獨不見

說築傅巖王者師夢中見形形肖之渭濱釣叟年八十
兆協非熊輔姬室古來遇合雲從龍四表化溢揚同風
嗚呼望美人予跂予羨長歌一曲獨不見

消夏十咏

荷

澄思臨池鏡含情對月窻春光迴洛浦秋水憶湘江愛
看花無萬寧聞格有雙坐叅兼倚咏聲色任縱縱

蟬

何處咽笙簧千林曳響長懷秋予有意入夏爾偏忙暫
息緣朝雨羣興噪夕陽中郎精博物琴韻識螿螂

扇

懷清衣袖裏祛暑綺羅叢幾疊烟雲面一堂松竹風展
疑弓未滿懸似月當空間闔扇仁化寰區徧德同

蛙

池塘喧樂部閣閣萬聲齊
鳴水如黃犢知時讓碧雞
豈同魚在藻偏喜草平隄
任爾繁聲急銀河已漸低

螢

向晚撐扁舫蘆洲泛碧澂
伴吟渾似月照夜不須燈
已報秋前信應知雨後增
長門今古恨賦扇幾人能

冰

廣廈無煩暑精盃貯碎冰
涼逾荳脯扇色似玉壺凝
興

永澄懷託塵空淵鑑憑夏蟲元得共可語又何曾

月

東軒憑檻待北渚泛舟遊愛爾清光迥添子詩思悠寒
侵衣不濕影澹水同流幾度看盈缺銀蟾又報秋

雨

密雨連平野油雲斷遠村溜簷紛筑響暗浦沸蛙言梅
熟黃偏重苔新綠更繁翔陽輕逗處不覺幾朝昏

瓜

雪刃剖冰瓢清甘沁齒香黃沉惟讓李翠冷不誇霜
邵圃名猶豔玉園種最良何人方病渴一瓣試分嘗

蛩

秋信憑誰報王孫花下歸吟堦聲尚澁振露羽猶微
皓月伴清詠涼颼動薄帷堅冰何待履君子貴知幾

雨中瀛臺泛舟

雲為棟宇玉為田草木懷新摠淨妍自是方蓬難得到
却教仙漢破輕烟

喜晴

挈壺蓮漏百花中殿角微傳朱雀風

陶朱公書朱雀風主晴

千畝

正含膏澤潤群芳猶喜曉陽烘梳翎鶴立懸崖翠
浪魚隨落瓣紅身在九重心蔀屋較晴量雨一般同

絕句

嫩紅新綠匝軒墀徙倚幾餘把筆時最愛園林新似沐
片雲常作雨絲絲

題白石榴二首

盡把緗囊換絳囊臨風薄粉試梳妝相逢似在瑤臺夜
不辨花光與月光

一種風流澹處宜檻窗清絕晚涼時東山少傅今猶在
羽扇綸巾看著碁

望法海寺

雨後西山翠如洗嵐光浮座秀尺咫似聞鐘磬林外鳴
常有雲烟峯半起就中法海古精藍曾遊記得禪闕美
風戛松筠紛筴笙霜酣榭栢垂紅紫旋開寶殿鎖琅璫

法王獅座虔瞻禮偶然遊戲探曹溪山僧為我叅一指
今朝望裏試重尋昔猶非昔今豈是眺遠閣中一覽時
舊遊法海寺有却供眺
遠閣一覽餘清省之句
由來不隔彼與此

澄懷堂

細草輕莎綠滿堂荷風槐雨釀新涼池塘澗澗鷗朋集
簾幙蕭閒燕子翔四壁圖書鑑今古一庭花木驗農桑
金猊篆裊澄懷永民事艱難子細商

我愛夏日長

我愛夏日長日長清道心研精消遲景稱子惜寸陰
我愛夏日長清風拂軒戶圖書堪避炎該覽鑒今古
我愛夏日長雨餘天蔚藍飛躍任鳶魚渾然萬理涵
我愛夏日長南訛正長養千畦稻花風茂對祝豐穰
我愛夏日長湖亭鏡光映自然無煩暑何必學心淨
我愛夏日長拂檐清籟吟封章靜披覽勤政盟初心

閩省進到冬花佛手

一指誰能會衆香猶可薰似拈閩嶠月飛渡洞庭雲暎

坐披全體因風散細芬如來無說說迦葉不聞聞

讀史

亭午日正長廣殿涼颼起御園隔煩囂梧竹清且美
翩翾蜂蝶翅芬馨花藥蕊萬幾此少暇憑几自讀史於焉
鑒興亡因之辨臧否遙遙千載間公論賴有此

夾竹桃

勁綠柔紅三兩枝倚風清影故差差品題漫倩徐黃筆
却喜微之七字詩

夏日奉

皇太后宴月有作

龍飛瀛海鏡光佳

瀛海飛龍
舟名也

菡萏風香爽氣諧
壽酒介

眉添

鶴算銀蟾騰彩耀
榆街雲和細按鈞
天樂絳幘方傳午
夜牌愛日心殷兼
愛月千秋萬載奉

思齋

聞浙省今年蠶繅甚
盛喜而有作

重穀心殷並重桑
縑簷蕙陌厘籌量星輝
天駟徵殊瑞
聞道吳蠶熟倍常

伊軋村齊響緯車
松明火燒斗河斜
辛勤吳女無閒暇
那采尋常陌上花

東鄰晝靜聽鳴機
西舍春深繭更肥
盡祝黃姑乞心巧
呈來新樣稱裁衣

浙土從來桑作田
宜晴宜雨養蠶天
女紅並與農功溥
卒歲常吟七月篇

過廣通寺

門隱松篁天雨華
驅車偶過梵王家
山僧想是蕭閒甚
古鼎敲烟自煮茶

閒拋貝葉覓雲門
試問迦文旨若存
會得經禪都是幻

風磬公案不須言

廣通寺舊為教院後亦叅禪云

題載花船

露叢風豔紛葳蕤
朝夕培溉資花師
湖心庭軒靜且敞
傍我文石含幽姿
亞盆旖旎香雲垂
欲渡空明舟載之

孰謂汀洲無陸卉宛與荷芰爭參差擢依岸轉清芬細
彼何人子泛液池鏡奩不用侍兒拂丰標照徹羞胭脂
却笑薰葭徒采采每隨好鳥鳴笙絲恰如弱水三千里
仙妹羣弄仙槎時

光明殿

今日三清境前朝萬壽基

光明殿明萬壽宮地也

彤閭衛虎豹青

殿罩罽鷲鶴立千年柏雲凝五色芝瑤階裁玉砌寶像
范金為詎慕神仙術惟祈暘雨時來齋心惕若顧諟奉

無私

風雨歸舟

雨絲作陣霏霏下
蘭舟晚放閒
消夏鷗波潏
泆泛輕煙
忘機似遊霄
霓野湏臾
油雲天幕合
儻來飛瀑漫
空瀉
湖波崖溜兩不分
只疑千斛珠
璣灑空中
萬籟誰吹噓
龍宮簫鼓應
非假風
蓑烟笠那禁濕
雨衣不漏真
宜瓦
黃頭盪槳何匆忙
觸目景况詩
情惹岸柳濛濛
隱亭臺
鏡荷濯濯增嬌
婉却喜秧針
茁綠畦仍憂
暑雨多怨者

金
夕
四
八
卷
九
一
心
憂
喜
渾
無
定
齊
物
誰
能
悟
指
馬
當
前
佳
景
資
幽
探
欲
命
唐
岱
重
摹
寫

園人進蔬

晚圃摘生翠筠籃貯碧纖嚼來剛慰齒看去欲銷炎雨
覓驪珠顆煙葱碧玉尖大官無異味猶勝水晶鹽

方壺勝境二首

梧竹蕭森列幾株文軒長日麗清都蕉心抽綠畫千軸
荷瓣漂紅霞一湖繞棟初聞子母燕乘波羣浴帝王鳧

對時育物歌薰意興與詩人別體殊
擬將何事遣餘閒舊稿新題手自刪高只有天塵迴絕
下臨無地水迴環立銷赤帝唐三伏坐待姮娥月一彎
却笑秦皇求海上仙壺原即在人間

螢

皓月娟娟弔素娥流螢熠熠拂窻過乍看今夕繁如此
為憶去年景若何雨夜燃燈光不暗秋宵點樹影無多
儘堪照幄供吟筆底用為囊費薄羅

英華殿菩提樹

何年畢鉢羅

菩提樹一名畢鉢羅見酉陽雜俎

植茲清虛境徑尋有旁

枝蟠拏芝幢影翩翩集佳鳥團團覆金井靈根天所遺
嘉蔭越以靜我聞菩提種物物皆具領此樹獨擅名無
乃非平等舉一堪例諸樹以無知省

蘭

芽茁紫箭新葉抽青劍短著雨生意佳逗風真馥遠綠
窗影遲遲簷餅作清伴逸興吟五言遐心企九畹

載月舫

晚颼漸起菰蒲洲紅霞餘影天際留須臾東岡桂輪上
照我載月之扁舟金波溶溶寒泠泠閒汀鷗鷺鳴相酬
桃笙榴枕爭蕭爽寥天露氣衣衫浮如坐瑤京眄銀漢
彷彿乎徯乎采真遊

初伏

綠林濃欲滴赤日蘊如蒸梅潤濕階礎炎歊薄戶庭拂
拂透窗籟稜稜貯盥冰坐愛浮翠瓜生憎變白蠅花香

金
卷九
薰百和泉響調千箏揮扇無煩暑忘筌有餘清

耘田者

老農炙背耘田苗汗濕田土如流膏廣庭揮扇猶嫌暑
彼何為兮獨不苦獨不苦兮無奈何未見應比見者多
農兮農兮良苦辛慙媿身為玉食人

金昆虎丘待月圖

吳宮金寶氣化作虎丘山

見米芾詩帖

良夜休孤負幽人共

往還劍池澄澹澹眉月印彎彎何異蘇門嘯蕭然天幕

問

勤政殿對雨

梅雨頻沾欲作霖，坐來九夏豁煩襟。
驚鳥衝烟覓遠林，階齒暗琴紛作響。
簷牙細溜亂如斟，封章覽罷饒清課。
芸簡閒披獲我心。

夏日至上書房示弘瞻輩

師友羅時彥，經書萃講筵。
真詮探月窟，妙理悟魚淵。
廣廈無煩暑，分陰惜細旃。
耽詩漫學我，努力且希賢。

江南淮徐等處連年被災既蠲租賜復旋命大臣
前往加賑今聞麥秋有收喜而有作

曾聞古人語民以食為天宵衣望歲心日久倍乾乾惟
願萬宇內比戶免飢寒念彼淮徐地水旱數歲連啼飢
彼老幼孰哺粥與饘號寒彼婦子孰衣布與綿每當大
吏奏或聞輿論傳玉食不能嚙仰籲泣涕連匡救盡人
事蠲復遑後焉旋命大臣往勘賑德意宣拯彼溝壑危
登此衽席安帑藏非所惜更留轉漕船近接守土臣封

章傳喜言云是麥有秋餅餌可佐餐仍逢雨暘若秧苗
綠茁田稍慰午夜憂額手意歡然

皇天溥仁愛今秋定有年

率侍衛等習射殿廷

雕弓繡羽如霜淨幾餘試射非爭勝曾聞古人辨良材
我亦因之學心正虛堂軒豁六月涼壯士能彎解角強
羽林十二赴桓衆人人絕技誇穿楊我朝弧矢服天下
太平詎敢忘戎馬吁嗟蓋臣聽予言克念爾祖勤勞者

掃石烹泉掇藥花
隔岬數聲聞
牧笛負林一帶恍
山家
清吟靜賞消長日
未擬心田長道芽

泛月

姮娥不耐獨徘徊
推出東岡鏡影來
秋意滿湖人未識
陰蟲唧唧岸旁催

澄廓湖光晚籟清
蟬聲纔斷復蛩聲
依稀昨歲舟中景
如駛流陰暗裏驚

浦雲染赤作天霞
水態山容鬪月華
為愛荷粧臨玉鏡

日影

日影向南移欄檻增光明夏至已逾月羲御不暫停陰
陽默嬪代消息些子爭惜陰勵初志扶陽驗物情遲遲
晝漏稀花木欣敷榮枕簟無煩塵牋管有餘清

曝書

棊几冰愒晝曝書古香馥馥透文疏難逢爽籟吹長夏
肯使青緗飽白魚謾擬閒情賦鉛槧憑將結習驗居諸
阮家竿布非吾事試展陳編若起予

晷影短惕我惜陰情

叢篠覆町疇濃陰日翁窈眇陽懸清光爽氣來亭沼砌
葩豔晚芳秋意歸何早懷茲履霜心奉是貞觀道幾餘
恣研精圖書誠靜好

六月十九日立秋

只道光陰遇閏留却緣遇閏迅如流炎官後陣猶騰熾
是日
白帝頭銜已報秋蛩語漸從朝露絮蟬聲多向晚

風收司天謾進豐年驗

每逢節候欽天
監占風以奏

未至西成詎解

簫和莫酌新篋醉卽事吟五言檀徊抒遐思

神仙引

騎龍曉赴三清朝翱翔紫府偕仝喬東遊海上喚太真
重舞霓裳按六么黃鶴赤鸞棲瑤圃神之君子翩來下
叶一聲長嘯萬竅風幾迴灑涕三秋雨俯視齊州十三
點滄桑屢變增吁感壺中日月不堂堂洞口春光亦冉
冉瑤為階子金為室中有至人不可識若把貪嗔癡念
求秦皇漢武求應得

無逸齋在

暢春園中

皇祖所建也葺而新之以為問安憇息之所得詩二首
几有陳編覽齋無玩物憑文淵企深汲道岸仰
先登堂構期勤肯仔肩懼莫勝永惟心作所

庭訓倍欽承

勝地宜

慈豫高齋味至言荷風涼拂簟竹氣靜當軒坐愛琴書

潤渾忘鳥雀喧壺中承

夏清膝下頷

春温

學字

長夏清且閒朝回憇池館蕙風拂桃笙鶯溪揮玉管淡
淡墨池雲疊疊來禽版義獻去已遙顏柳真蹟罕追摹
消永晝徘徊作清伴學敬語堪味筆正規尤善

埋輪圖

東漢士林重氣節嶽嶽丹衷多熱血跋扈將軍勢正雄
御史理輪輪軸折狐狸不問問豺狼稜稜正氣如干將
廣陵劇賊知感泣千秋佳話傳餘芳吁嗟堯草知指佞
從古形端斯表正披圖恍如見此人監史常臨倍勤政

靜明園雜咏

雨霽林園靜日長風物佳花香濃入座草色綠侵階波
澈鏡光晶泉流琴韻諧餘閒時駐蹕茂對一開懷

帝京瀍澗澤此處溯靈源晝永風生樹雨餘花滿園蝸

盤涎作篆柏老石為根足有林泉樂何須騎吹繁

清音齋畔柳風裊萬條烟綠蔭斜開徑間依獨繫舡愛
看歸去鶴時聽晚來蟬步屨沙痕濕壺中別有天

晴翠撲疎寮軒齋山半腰捲簾雲宿棟披磴石移椒鐘
磬悠然靜烟霞近可招風旛能說偈側耳聽芭蕉

石洞千年跡風來爽倍添古苔斑結籀新筍綠生尖佛
偈雲臨辨詩情李杜兼何須叅指月世界一華嚴

洞名

偶泛鑑湖明荷風拂櫂清鷗波光上下梅雨晝陰晴古

帖閒來搦茗茶手自烹夕陽在高柳蟬嘒一聲聲

西山浮翠黛朝秀入書帷賞遇

樓名

忘言處杼思

軒名

放筆

時庭中花氣馥院外馬聲嘶不必北窻啟羲皇儼在茲

祈年惟稼穡棄日在琴書

棄日見漢書即消日之意

樂意觀生物遐

心寄太初風來聞遠磬雨足剪新蔬敢懈時幾勅金籤

響玉除

閩闔篇

誅蕩天門黃道開層城十二光回回祥風吹扇旭影來

兩兩列宿排三台五雲耀彩春徘徊迎薰豁達徹九垓
予心如思深哉無所隱蔽宇量恢出入登進惟賢才
白蓮
碧玉為冠紉作裙臨風偏送晚來芬壺中原異人間世
不數紅霞數白雲

泛舟

昆明澹容與彩鷁盪蜿蜒雲母窗間月芙蓉鏡裏天錦
鱗爭濯戟白鷺宿連拳畫意兼詩景無須沸管絃

御製詩初集卷九

欽定四庫全書薈要卷一萬三千二百八十三 集部

御製詩初集卷十

古今體一百十三首 壬戌三

川陝總督尹繼善奏進新麥

薦新遵古制土物貢遐方既用驗農事還宜以覘嘗味
甘端勝芡色白比於霜更喜烽烟息千家餅餌香

西陲用兵

有年近始
寧輯云

京城篇

昔年洛陽陌當日長安道戚里管絃夜狹斜陽春曉春
曉平津樹色開撞鐘伐鼓醉金壘漢宮宋館今何在惟
有城頭烏夜來燕山此日是京城襟山帶河據勝形藹
藹桑柘亘千里冥冥風雨來二陵閭闔當陽啓紫極樓
觀連雲切太清已聞相隄白沙築更看王府黃金成鬪
雞走馬渾餘事貫札穿楊比戶能何限寂寞揚雄宅不
知誰草太玄經

六月二十六日聞蛩

清暉之閣松童童松下唧唧吟秋蟲獨步聞聲看不見
寥天露灑幽蘭叢

仰首銀河白於水懶婦聞愁織婦喜四時代謝何足歎
流景從來迅若此

弔叢抱葉露華濡秋來此聲不可無誰復推敲費神思
羅帷高枕夢春駒

驟雨

一抹油雲忽布天
獰龍噴沫珠玉懸
何處移來三峽水

掛我假山之瀑泉，雨工矯首雲中步。珠簾四下圍朱鷺，
高齋吟倚興方綿。摩醯首羅不知數。見釋典

靜

棕颺竹氣三庚餘，池亭波影含冰疏。幽人晝永匡床靜，
簾間便是虛無居。

六月晦日作

雨霽華清景色佳，天心人意與秋偕。欲占流火傳金令，
佇待飄梧到玉階。七月八日始立秋故云兩大無私惟育物，一衷

有恪正居齋朱明晝永堂堂過爲惜分陰獨咏懷

讀君鑑錄

此鑑堪稱鑑君難果是難欲明興替故不厭再三看克
已須存敬居心莫自寬孜孜勤恤意非博萬民歡

余省羣魚戲行卷

渺渺水雲鄉文鱗樂趣長
唼波隨所適戲行忽相忘
儘可供渲染何須避釣網
曠觀託雲漢逸興在濠梁

賦得既雨晴亦佳

天際浮雲去似歸雨餘爽氣上生衣花宮露滿仙人掌
朶殿風開玉女扉排檻叢芳醺蝶醉泥窓薄縠透香微
如秋景象秋前見時六月晦日也霜履冰堅已有幾

七月朔日出城有作

霖雨既優渥晚苗正懷新芳甸錯綠縟歡生荷鋤人時
享旋郊園霜露增感頻前旌歷石衢巾輿出城闈金風
拂拂來爽氣應秋晨時聞禾黍香而無衣袂塵念彼百
王烈對此三代民何當去澆漓比戶登樸淳

食荔支有感

炎州佳種號離支，巴峽瀘戎未足奇。
色寫天霞連顆綴，影留閩月帶根移。
閩中歲進荔支多，連樹本鮮摘色味絕佳。
酪漿雪質無能比，玉管雲牋有所思。
夢裏不知身是夢，還如

賜食寢門時

宛轉詞

宛轉復宛轉，日月東西升。
望道而未見，所志嗟奚成。
宛轉復宛轉，有似盤中珠。
少小不努力，老大將何如。

宛轉復宛轉聽歌絲竹肉徘徊立軒楹誰識予衷曲
宛轉復宛轉鴉鳴與鵲噪物物含至理忘懷觀衆妙

靜怡軒晚對雨

不辨鳳城漏如聞金匱琴楣欄滌暑氣花木沃芳心延
爽試風袂迷歸亂晚禽詞臣已退食玫瑰陞獨清吟

秋晚聞蟬

向晚蟬聲沸臨秋却有情流音金籟急照影夕陽橫興
永方抽管聽餘似奏笙獨憐爭嘒嘒也解惜朱明

御湖雨意

方蓬只在水雲鄉
點點珠璣灑薄涼
誰寫御湖烟雨意
荷塘蘆岸共蒼茫

波添珠惹魚兒暖
梭織絲牽燕子斜
尤喜平湖風過處
千層錦浪細生花

不辨波聲與雨聲
天和樹色總含清
何殊畫裏江南景
添箇漁舟短笛橫

唐岱谿山雪霽圖

薰風釀暑吹楹欄黃沉綠浮堆冰盤揮扇那能却炎氣
淋漓梅潤蒸齊紈忽展谿山雪霽圖文筵六月三冬寒
玉屏瓊樹數千里中有村舍非人間凍峽掛珠流不得
漁磯彷彿富春灘唐岱筆法老尤勁鼻祖摩詰追范寬
試供病渴人清覽何須熱惱愁長安

新秋月

新月如玉鈎韜光尚未流素娥不用餌釣得許多秋

秋日郊行

綠滿晴郊生意滋，揚絲風裊玉鞭垂。
湖山色澹新圖列，禾黍香濃爽籟吹。
但是對時塵育物，何須觀稼始吟詩。
宜陽最喜秋陽曝，一縷殘雲歸岫遲。

觀魚寓言

鯤鯨戲盆盎，不思池沼寬。
鯉鯪依菰蒲，安知江海濶。
長鯨與巨鼈，背脊聳如層。
巖物苦拘墟，見至人貴達。
觀而我竟何爲，倚吟興未闌。

七夕感事六首

霓裳辭婺閣鳳駟渡天江淺靨開星眼脩蛾寫月龐停
梭掩空帳集鵲作徒杠漫歎三秋阻應知萬劫雙

巧節當秋晚華筵傍砌呈螢飛避扇影蛩響促機聲玉
宇涼蕭爽銀河夜淺清當年誰恣樂寶殿號長生

銀漢靜無聲風微浪不生翻因雲雨夢添得別離情合

鏡長如缺月啼眶淚已盈露何妨擲機石世上少君平

牛渚秋光動榆街夜色沉乍臨今夕景同憶昔年心雲
路雙星會燈樓七孔鍼阮郎負仙約竿布獨高吟

凌波試仙步絳水駕言過瓜果人間勝笙絲天上和祇
悲夜有盡反覺話無多烏鵲留難住星宮乏網羅
鈞天奏玉虛阿母到來初分景曾名劔班龍共駕輿長
生雖有術入道惜無書何似天人策明庭對仲舒

七夕後一日立秋

碧桐珠露共徘徊無那丁丁玉漏催白帝今朝傳令至
黃姑昨夜帶秋來蟬聲似讓蛩聲急月影依然鏡影開
底事人間兒女子蛛絲棕盒正相猜

新秋試筆

樹吟溪響復蛩鳴
秋到人間信有聲
爽籟吹銷玫瑰綠
晶陽照徹綺牕明
每因代謝觀天運
時對榮枯驗物情
閱罷封章課經史
肯教玩愒度平生

爽

雲生猶鬱陶
雨過即蕭爽
刁刁西北風
時送殘蟬響
景色釀新秋
高晶天宇朗
暑氣辭桃笙
涼颼上鶴氅
西成差可冀
庶慰三農想
因心勅時幾
撫序觀物象

承露盤

聳峙青霄萬丈亭，憑將天露煉元形。
漢皇若果昇仙去，安得人間有茂陵。

青鳥曾傳玉闕言，須臾王母降前軒。
人君自有長生術，五帝三王萬代尊。

雨中舟行

蕭蕭蘆葦颭寒汀，乍失西山萬疊青。
溪上空烟迷近遠，秋聲宜向雨中聽。

金
尺
四
尺
名
畫
舫衝烟泛碧瀾，輕衫稱體乍添寒。湖光恁捲珠簾看，
點滴篷牕意未闌。

階砌秋英爛然，因而有賦

何分嫩紫與柔紅，繡錯牕前帶露叢。乍認無名偏有豔，
時看笑雨復悲風。臨池嬌態含明鏡，傍砌寒芳藉落桐。
最是女夷偏惜歲，宛疑春到小園中。

瓊華樓對雨

颯爽檐帷生薄寒，梧桐枝上玉闌干。雲飛別岫當軒暗，

雨過前溪隔座看
聲瀉池荷吟鳳管
點催簷瓦弄珠丸
西山擬望秋晴黛
烟嶼鷗波正渺漫

願晴

祈年時望雨雨足復願晴
願望迭相代一心百慮并
屈指歲月間幾日得暢情
側聞天地大人猶有憾
生誰能學蒙莊逍遙物外征

霽後望西山

山色秋來好天光霽後佳
翠屏開素宇綺思詠高齋
最

愛觀螺黛何須蠟筍鞵碧桐飄爽籟時復到閒階

新青並積翠罨畫入文牕氣斂孤峰迴天高去鳥雙度
松鐘有韻歸牧笛無腔我亦如秋淨何妨聲色縱

階墀消溽暑獨步趁微涼秀嶺林含翠橫池葦欲黃生
衣披颯沓寥宇眇蒼茫尤喜日陽曝平疇正曬秧

讀李白詩

稍遣秋之日閒吟白也詩仙才信有謫逸筆總多奇竹
響合風際濤聲出峽時漢庭召方朔國色藉名垂

野鳥有言得過且過者鸚哥效之因戲賦此

不學倉庚能布穀且饒乾鵲解呼晴宴安鳩毒由來事
謾效林間野鳥聲

熱

朱明鼓餘烈日陽湊午晴虛簾捲湖山殘暑來軒楹揮
扇延爽籟味道遣逸情分寸陰足惜謾苦炎歊蒸

秋夜泛月

玉露金風醞早秋結璘池館倍堪遊影流碧瓦輝鳩鵲

光耀銀河浴斗牛香櫂輕移荷芰浦錦帆飛渡鳳麟洲
心將素宇同寥濶宮漏聽催午夜籌

蛩

應候金風爽透帷王孫花下欲歸時乍聽此夕繁如是
因識鳴秋竟不疑夢入寒叢同蘧榻語來露砌許猶夷
雲和絲竹無須奏搦管閒吟有所思

剪園蔬賜大學士南書房翰林等

畦圃秋來候葱蘢雨足時梳風烟甲冷烘旭露華滋穡

事因堪驗天工藉可推許甘藜藿味退食任委蛇

霧

漫漫氛靄蔽林廬誰道天衣祇五銖壺裏山河銀匝
詩中池館玉糝糊宜晴最是三庚尾望歲欣當七月圖
佇看秋陽輝碧宇

諺云朝霧晴晚霧陰

驗農底用問農夫

題張雨森畫屏十景

孤山逸趣

雪冷梅妻瘦天空鶴子還無人同懶客有興是孤山插

笏峰形直垂虹澗響潺湲篔簹迷谷口不許俗塵攀

花源牧笛

林塢桃花綻仙源又見春夕陽歸牧下牛背笛聲頻霞
染山腰暗烟籠柳眼新劉君若相訪此是避秦人

蕉雨清吟

蕉牕微雨夜篝火獨清吟一室琴書客五言山水心峽
聲連玉滴簷響帶烟斟新畫抽千軸明晨試展尋

溪塘銷夏

松雪齋中客曾傳格法奇
荷塘疎雨後柳岸晚風時
衣履誠瀟落湖山足靜怡
何須誇戴氏斗酒聽黃鸝

荻浦秋漁

金風泛秋瀨漁艇破溪烟
鴻雁霜前信菰蒲鏡裏天
差堪觀共濟底用羨臨淵
村釀香堪貫銀刀值幾錢

松臺月鏡

孤月誰推上雙峰似擘開
蔽虧松影瘦含印水紋迴
古鶴衝雲去幽人杖策來
溫生識此鏡何用玉爲臺

楓冷歸帆

霜寒驢背客楓冷暮江天白下三秋渡東吳萬里船沙
痕新漲落帆影晚潮連漁笛悠揚裏鷗波起淡烟

晚籬茶話

西舍復東鄰村翁送主賓科頭行藥圃策杖過松津景
逐尋山屐春生漉酒巾希夷相對處彷彿葛天民

村齋冬課

霽後玉玲瓏光分甕牖中芸編棊几綠獸炭地爐紅遮

莫烹羊樂將母立雪同一般村舍景偏覺讓冬烘

蓬牕對雪

寒溪凍不流風雪夜維舟樹老歸鴉冷更長倦僕愁湖
山隨寂寞天地共沉浮疑是瞿硎子蕭然被鹿裘

中元日觀法事

碧霄湧出銀盤子烟霏風漾清秋美員嶠河山圖畫開
壺天池榭琉璃裏今夕何夕乃中元于孟蘭勝會梵吹繁
獅王法座七寶裝祇園優樹千珠懸誰撐寶筏中流處

聞有觀音司其渡人能如彼觀音心東土西天無來去
萬點河燈照水明無枝蓮朶紛亭亭疑是女夷惜穠豔
故放奇葩殿晚榮星移月轉催壺漏桃笙高卧詩情逗
惟有秋蛩不解愁階除唧唧還依舊

賜定邊左副將軍超勇親王額駙策令

舊日殊勲定月支維藩今復寄邊陲每因章奏知忠懇
却爲賢勞費解推土拓不誇戎馬績烽銷常慰廟堂思
漢家定遠何須道方識前猷萬載垂

秋曉

晨光漾綺闈露氣含芳叢語蛩學墀雞報曙秋壺中枕
簟切颯寒衣袂流金風晚卉鬪其芬似惜華冶容青松
挺百尺豈伊衆花同安知榮與枯落落擎虬龍時咏七
月篇似撫五絃桐甄陶總至理大哉造化功

秋日聞黃鸝

去帶春同去來將秋共來參商殊甚矣覩睨胡爲哉柳
岸黃應漸蘆汀白欲催誰能辨商律高咏獨徘徊

萬泉郊行即事四首

碧天寥濶九霄清涼織輕輿
逐景行水色山光澄素節
日暄風散釀西成

疑是山村是水鄉
禾苗低亞稻苗黃
綠楊十里蟬聲沸
颯爽風中餽粥香

雨過西山翠靄浮
物情人意總知秋
片雲猶繞孤峰頂
欲借朱明一刻留

誰催殘暑去如歸
信宿西湖暮雨飛
今日秋郊情適處

幽風圖畫是耶非

蘆花

采采亞汀洲爲花豈自由羣搖今夕雨不異去年秋
藏鷺戀青葉凌波顫白頭吟看鷺隙影榮落肯淹留

集晉陶淵明歸去來辭字即效其體

良辰春將及萬物欣得時吾生亦幾何遑遑欲安之中
車晨出遊去留不自期丘壑聊流憩琴書心獨怡壺觴
羨有酒親戚相問遺扶老而攜幼東疇命耘耔無心雲

出岫知還鳥倦飛寄傲天宇內行樂復奚疑

賜普覺青崖和尚疊舊作韻

繡旗遙指白雲涯翠輦經臨梵帝家偶晤真僧參指月
旋瞻古佛卧袈裟

普覺舊卧佛寺也

山川入望成圖畫草木當

秋總靜嘉舊日今朝原不隔試看階際水萍花

秋日普覺寺

金颺颺華蓋露氣逗曉寒西山景色佳駕言茲遊盤羽
騎度林樾和鸞駐禪關兩峰闢仙路其背衆嶺環蘭若

百年餘勝境非塵寰是時新秋霽黛色滌遠巒一川禾
黍風西成誠可觀金吾莫喧呼恐妨僧坐禪屏營禮大
士而無心可虔卧佛伸其足萬劫常安眠菩薩羣擁立
垂垂寶髮鬢旋憩方丈幽敲火烹山泉泠泠來牖下流
爲清鏡瀾襍英紛砌傍鳳仙與雞冠塵心一以洒迴蹕
傳林間比丘漫凝睇爭如上方閒

青龍橋曉行

屏山積翠水澄潭颯沓衣襟爽氣含夾岸垂楊看綠褪

映波晚蓼正紅酣風來谷口溪鳴瑟雨過河源天蔚藍
十里稻畦秋早熟分明畫裏小江南

獵獵金颿盪綵旂迎涼輦上露華流橫橋雁齒迴朱舫
遠浦蘭苔起白鷗禾黍香中千頃翠梧桐風裏十分秋
凭輿喜動豐年咏却憶三春午夜憂

西山下故宮

何時帝子宅捨作梵王宮舊跡認鴛瓦秋風老井桐更
無牕綺綠剩有砌花紅何用參僧偈當前悟色空

普覺寺雜咏

山翠迎人望裏佳，偶來蘭若一開懷。
雲歸別岫松當戶，風入疎櫺客到齋。
僧指苔碑題古跡，鳥傳佛偈噪秋槐。
徘徊詎肯耽幽靜，行漏丁丁報午牌。

石門古樹自相扶，信是仙區別有區。
蘇廝庭前留鶴篆，泉流階下到僧廚。
經臺法雨飄蓮社，靜室禪心息芘芻。
鷺嶺祇園誰得至，人間此地料應無。

討源書屋恭瞻

皇祖御筆

廿年春色閱靈園徙倚空懷歲月奔
雨過藥欄花解笑
風迴琴治水添痕璇題耀日瞻

飛白綺席當秋想

弄孫心法從來含治法討源深愧未窮源

秋夜有作

銀漢靜無聲芳叢露華白寒蛩語其根唧唧聞瑤席素
月流松間金籟度牕隙欹枕懷治安豈作悲秋客

園中摘果恭進

皇太后

黃沉朱實色凝霜
薈貯筠籃滿意涼
日永

西池琪樹靜擎來
不數五雲漿

閩省四時皆有佛手詩以咏之

天龍一指示全形
豈爲花師術有靈
生滅滅餘寂滅樂
羅綿應得四時馨

賦得秋日懸清光

得江字
八韻

皞靈司素節羲馭度天杠騰景殊三伏懸清麗萬邦西
成農扈慶南去雁行雙霧靄辭橫嶺兼葭醉遠江輝揚
結綺扇彩映網紗牕杲杲玫瑰陞瞳瞳翡翠幢晴烘銷
潤漉高瀑朗蒙厖恒仰貞明德心旌獨自降

蓼

蘸水態猶慵臨秋色更濃露香醺蝶栩鏡影惹魚喁每
愛因風舞還看隔歲逢陳王若曾識何必賦芙蓉

詰

暢春園問

安

皇太后命觀園內所藝禾黍與翼翼誠有秋也得詩一首
占歲今秋好祈年午夜曾仙壺叨

澤渥寶稼應時登繡隴黃雲合芳園

懿賞憑泠泠朝露綴靄靄野烟凝宮府應無異農桑合
並稱艱難知穡事

慈訓敢欽承

秋夜雨

井梧浙瀝鳴榴枕寥蕭冷萬籟此閒寂雨滴清秋靜啼
蟹怨寒叢月檻收殘影吟餘玳瑁筵夢入虛無境

桂

中秋前
一日作

遲開欲問女夷囊今日欣看拂檻芳嘉卉解迎秋半節
金枝齊放月中香珠聲時墜灑灑露霧氣常霏曲曲廊
縱使素靈多羽衛供餘丹粟九秋糧

秋日瀛臺

嵐光波影鬪新晴樓觀圖雲鏡裏明八月桂風天半馥
西山曉翠座中橫苔紋點砌排棋局霞縷飛空曳綵旌
更喜晶陽輝素宇詩情人意共秋清

淮揚一帶連歲被水黎民阡危用遣高斌前往賑
恤兼求疏濬之方頻行詩以賜之

負宸奉三無垂衣御四陲殷殷何所念所念惟蒼黎祈
年廛宵旰惟願晴雨時安得海宇間比戶足食衣百姓
敦親睦農桑樂雍熙圓蓋蔭仁恩邇來無征輦若獲歲

屢豐教化或可期乃者淮揚郡澤國古若斯年來多水
災黎民困阻饑旬宣敕大吏補救賴有司瘡痍尚未起
賑恤宜早施蠲租並截漕疏流兼護隄凡百區畫方實
藉衆力爲吾恩汝其布吾民汝之兒何以淪異漲化爲
秔稻畦何以拯蒼黔免彼溝壑危予憂爾其釋爾勞予
應知勉爾經綸策慰予饑溺思

射獵南苑即事

旭影曈曨射綵旂
虞旌初建趁中秋
馬嘶平野金聲肅

箭落輕莎露氣浮

增城門外接村坳禾黍垂苗菜麥青今日翠華憑賞處
要知憂思幾番經

鞞鞞橐鞬列羽林當秋文囿偶經臨承平詎肯忘戎事
萬戶饑寒更惕心

翼翼堆場皆早稔纍纍懸架足秋壺幽風底用丹青筆
十里烟郊入畫圖

北紅門裏仲秋天爽氣遊絲拂錦韉行過雁橋人似畫

踏來芳甸草如烟

南苑宜秋宜獵時
禾香風滿赤鸞旗
少年熟讀相如疏
每至歡娛鑒在茲

榆槐黃染野花殷
策渡時過水一灣
千朵青蓮萬章錦
却教人憶塞中山

省耕省斂古曾聞
望處西成意亦欣
漫把豐年容易看
幾多憂慮塵宵分

覽河臣奏報洪水勢

淮水今何似中宵未解憂波臣勢方盛赤子爾何尤廬
舍皆如舫桑麻盡附流每披災疏報似聽泣聲愁異漲
知稍退窮黎得慰不空傳一掬淚爲我達揚州

末二句
用李白

語

靜夜思

秋月入我牖秋風拂我床不作風月客笑傲飛羽觴
秋風拂我床秋月入我牖一室四海心展轉思量久

擣衣

於今無征戍秋至也聞砧試想閨中女寧無憶遠心巖
風動商吹村月散清陰萬籟中宵息空餘石畔音

餅中桂

辭林帶餘芬蓂餅伴高咏恍疑金粟界色香皆清淨

題塞上枯桐

枯桐枯崢嶸劫餘留一片生意已寂滅僵卧龍沙岸蟲
蟻穿其孔文理續復斷何人憐逸材製爲文房玩架以
紫檀木置之雕漆案植立如半峰文采殊粲粲俯視牕

外樹徒然具枝榦榮枯何有常如露復如電儻來汝之時故林汝莫羨

秋日南苑行宮

別館離宮迤邐開虛庭古砌足蒼苔花承白露知秋到
鳥噪綠槐訝客來雲避羲輪輝素宇風吹牕網淨纖埃
拈吟多少劭農意不爲巡遊騁賦才

德壽寺

上方清俗慮勝蹟足幽探柏子留僧偈天花落佛龕牕

虛含爽籟座靜接朝嵐忘念味禪樂尋思不可耽

夜

畫鼓撻笳吹銀蟾上井槐夜涼雲母帳天迴斗杓魁雁
帶塞風至人呼牧馬來幾餘何所事舊簡爲重開

晴

疾雷殿雨殷其鳴金風捲雲去如征須臾寥空懸晶日
樹色山光相鬪明多稼更喜秋陽曝我非農人亦望晴
先憂後樂何時已但覺樂少憂常盈

靜夜鐘聲

畫角掩旌門松風靜別殿冷然來鐘聲春容續復斷不
辨催譙樓忽疑叩僧院韻度竹添簧音披月如練久破
耳根禪偶聽聊復戀

曉

桂輪如水露如珠景入秋晨別樣殊紫氣亘川馳野馬
紅雲擁島上金烏寫空北雁眠初起弄影東枝翠相入
扶最是伯駒工繪事海天旭日早成圖

題郭河陽雪山行旅圖

天娥快剪剪薄紈瓊華一夜纈萬巒臨風玉樹枝簇攢
大地變作銀界觀凍峽千尺白龍蟠濺壁大小皆珠丸
崦岈截棄那可攀刺有羊腸路屈盤誰歟馬背凌兢寒
羸僕跛塚尤堪憐溪橋滑刺手足攣冷風吹揭墊角冠
名利子也何足歎谷迴路轉茅屋連茅屋有客疑袁安
披卷笑傲忘朝餐嚴威栗烈不可干河陽此法摹范寬
當前勞逸憑君看

再題德壽寺禪房

境古煩囂遠，牕虛爽氣侵。
篆香飄道味，洪鐘空客心。
寂樾蔭嘉香，杳精藍深。
文竹引清籟，好鳥發幽吟。
稍憩方丈室，坐對三秋岑。
泠泠功德水，堪以濯塵襟。


秋夕於南紅門行宮對月有作

去歲龍沙試秋，獮關山月色閒。
吟遣今宵桂魄，還分明離宮照我。
無限情誰知幾缺，復幾圓暗換今年與去年。
去年月即今年月，何必視昔空悵然。
白露灑灑衣袂冷。

倚楹相對忘懷永



御製詩初集卷十



總校官庶吉士 臣侍 朝

校對官庶吉士 臣陳文樞

謄錄監生 臣周學桂